

LAKE MANITOBA LAKE ST. MARTIN

KÉ ISI PÁSPÁPOTÉK SÍPIY TA ISIPÉYÁK

Ká Pimapacitaniwaki anihí Lake Manitoba éka Lake St. Martin ké isi Paspápoték Sípiy ta Isipéyák Atoskéwin




Figure 1: Nípiy ké Itápoték kí Kisitániwaki óhi Sípiy ta Isipéyák Atoskéwin

Kékwán ká oci nócitániwaki óhi ké isi Paspápoték Sípiy ta Isipéyák Atoskéwin

Anima Lake Manitoba éko Lake St. Martin ká oci Paspápoték Sípiy ta Isipéyák atoskéwin kici sicikéwin anima itowa ká nakáskak éká wésá kita misti ná niskipépaniki óma ká kici kimiwaniskák anihí Lake Manitoba éko Lake St. Martin.

Lake Manitoba, Lake St. Martin, éko Lake Winnipeg mékwác nété kakinaw isi násipéyápotéwa Fairford éko Dauphin Sípiya. Anté ká oci sipwéyápoték Lake Manitoba anté isi Fairford River ékwáni matáysisápotéw Lake St. Martin ékwáni ékota ati itápotéw anima Dauphin Sípiya nété ká oci matáysisiciwak Lake Winnipeg (Figure 1: ká osáwinákoki anihí). Wina oskáyi ité é isi paspápotániwak anima ité óma ká isíckániwak (Figure 1: ká cipétakonákoki anihí). Máka wina, ispík ká ápatáki anihí nanátok kipahikana éko sípiy ta isipéyák, ékosi ká isíckániwak nawac ta papásápotéw nípiy anté oci Lake Manitoba nété isko Lake Winnipeg.

Anima ké isi Paspápoték Sípiy ta Isipéyák Atoskéwin ká itakik móna wina ta kipitínikáték wéka ta isítániwak pakán ta itápoték nípiy anté Fairford éko Dauphin Sípiya máka ocitaw ta nókon apisis pakán ta isitoyánikan nípiy éko askíy óhi itowa ositáwina kí kisitániwaki éko máci ápatáki. Tánikok nípiy ké isi násápoték anté Fairford Sípiya ta oci nákcacitániwan anima kákí ositániwak Fairford Sípiya Kipahikan éko inikok ita ta Sápápoték kákí itásiwániwak éko ká kákí ispícsicikáték ékwéwin. Ékwani óhi ité ékwéwin oci kákí máci méskwacisítániwaki:

- Ispík ká niskipépaniki éko ká ápatáki anihí kipahikana éko sípiy ta isipéyák, móna náspic ta niskipépaniwa anihí sákahikana ité ispík kí nótaw sápwápotawáké nípiy anté anihí sípiya Fairford éko Dauphin Sípiya.
- Ispík kákí niskipépaniki, wésám piko kita móskínépaniwa anihí Fairford éko Dauphin Sípiya wina nahinikok táti ispícpéyák anima Lake Manitoba ékospík óma. Éko ékóma Lake Manitoba móna éko náspic misti ná niskipépaniwa, móna éko mína náspic ta pá páscipépaniwa anihí ité sípiya, éko ta tápitawi nahinikok ispícpéyáwa anihí sákahikana, kanaké wina nántaw niyánan askíya ta isko kiskénitanwak ta nákcacitácik ékwéwin ispík kí ápatákwáki anihí nanátok kipahikana isi kákí ositániwaki. Éko mína móna náspic ta nókon pakán ta yá ispícpéyák ité ispík éká náspic sápopéskamiskáki.
- Ispík kinowés ká ati pákwaskamiskák anikik Manitoba Infrastructure ká iticik ta kipayamak anima ité ká isi paspápoték Lake St. Martin ké isi Paspápoték Sípiy ta Isipéyák ká itakik wina nété ta isi mámwásápoték Dauphin Sípiya, ité kinoséwak ká itácik ta paspihicik óma ékoté ta isi natawátákácik ta natawi tasécik.

Ispík kík kísitániwaki, inikok éko ká yá ispicípepanik éko inikok ké isko niskipéyák anté anihí sákahikana éko anihí Fairford éko Dauphin Sípiya nawac éko nótwaw. Anima ké isi Paspápoték Sípiy ta Isipéyák Atoskéwin ká itakik mwác ta nókon tánikok awasimé pakán ta ispitátimik Lake Winnipeg éko nété násipéyáponák itéké. Manitoba Infrastructure anikik ká iticikik kiskénitamwak óma óté níkánik, óma ká ná méskwaciwépak (tápiskóc óma ká ná niskipépanik) áskaw ta yá ispaniw anihí ité ká isi wíkékamak éko móna tápitaw ta kaskitániwan ta nakáskikáték ékwéniw nípiy inikok ké ati ispicípeyák ité. Máka wina, apók é kinawápacikáték óma ká ya isiwépak ité, móna éko tápwé náspic ta ná niskipépaninwa anihí sákahikana éko sípiya aspin kákí ositániwaki anihí ité kipahikana éko sípiy ta isipéyák.

Manitoba ká Nákacitániwak éká ta na Niskipépanik Paminikéwina

Anihí ké isi paspápoték nípiy anima ité kík yá isitániwana anihí nanátok kipahikana óma ta ná nakáskakik wéka wésá mistahi ta ná niskipépaniw ité (Ininiwak éko kotakiyák ité ká itáwinicik) okistikésak éko anikik ité ká natawi métawi ápacitácik nípiy anté anihí Lake Manitoba éko Lake St. Martin éko anihí Fairford éko Dauphin Sípiya, éko móna náspic ta nókon óma ta ná niskipépanik ité Lake Winnipeg.

Anihí niso sípiy ta isipéyák kákí ositániwaki ékwani anihí átít itowa kipahikana kákí ositániwaki óhi óté sákahikana éko sípiya éká wésá mistahi kítwám ta ná niskipépanik ité éko ta mámawi ápataki ékosi ta isi nákcitácik ké ispitátimik ité:

- Anima Lake Manitoba ké isi Paspápoték Sípiy ta Isipéyák kipahikana ká itakik ta mámawi ápatanwa tako mína anima Fairford River Misti Kipahikana éko ta paminak tánikok ké yá ispicípepanik ité éká wésám mistahi ta nisiwanácicikémakak ékwéniw anima ité ká isi wá wíkinániwak Lake Manitoba.
- Anima Lake St. Martin ké isi Paspápoték Sípiy ta Isipéyák ká itakik kita oci wíccikémakan ita inikok ké pakitinakinipíniw ta papéyatak sipwéyapotew éko tápitaw pá péyakwan ta yá ispicípeyák anima Lake St. Martin éko mína móna éko náspic ta na niskipéyaw ité éko móna mína náspic ta nisiwanácicikémakan inikok ké pakitinaw ta paspápoték ante Fairford River Misti Kipahikana éko tánikok ké isi pasoápoték nété isi Lake Manitoba ké isi Paspápoték Sípiy ta Isipéyák ká itakik.
- Wina inikok óhi kipahikana kákí ositániwaki ká nakáskakik éká wésá kita ká kici niskipépanik anté Lake Manitoba éko Lake St. Martin itéké, ési nísiki anihí sípiy ta isipéyák ya oci wíccikémakanwa óma tánté éko tánikok ké isi pakitinikáték, ta paspápoték nípiy, ékwani óhi itowa kipahikana Shellmouth Dam éko Reservoir ká itakik, Red River Floodway éko Portage Diversion.

Ké isi paminakik ta pimipanitácik anihí mékwác ká takoki nanátok kipahikana, tápiskóc anihí Portage Diversion éko Fisher River Misti Kipahikana kita ápacitawak pimitisayakik anihí ásay ká takoki ékwéniw oci kiskinahotahiwéwina.

Anima ké isi Paspápoték Sípiy ta Isipéyák Atoskéwin ká itakik ta oci tipénitakon éko paminikátéw Manitoba Infrastructure otatoskéwikamikok. Anihí sípiy ta isipéyák kákí ositániwan kita mámawi ápataki éko ta wíccikémakakí óma éká éko wésá kita nótwaw niskipépanik anté ispicí kík pimitisayakwáki Operations Strategy ká itakik óta ká ati masinahikátékí.


Ké isi mámawi Pimipanitániwaki óhi Nanátawi Paminikéwina

Ispík éká-ká Ápataki Sípiy ta Isipéyák ká Kipahikátékí

Óma éká ispicí ká niskipépanik ité, ékwani anihí sákahikana nahinikok kita yá ispicípewá éko ékwani óhi 810.5 misita isko 812.5 misita anima Lake Manitoba éko 797 misita isko 800 misita anima Lake St. Martin. Anihí sípiy ta isipéyák kipahikana mwác ta ápatanwa (ta kipinikátékí) ispicí óma ká iténitakik óma éka


kita kici niskipépanik ité.

Ésinísiki anihí sípiy ta isipéyák ta isi pakitinikátéw nahinikok kita isi paspápoték nípiy wina inikok ta kaskitácik ité kinoséwak kita natawátakácik éko ékoté ta natawi tasécik (Figures 2 éko 3).



Lake Manitoba nótwaw óma é ispicípek 812.5 misitisa

Figure 2: Lake Manitoba Sípiy ta Isipéyákí Misti Kipahikan Ékiponikáték



Lake St. Martin (sáwanok wíkékamák) nótwaw ká yá iskopéyák 800 misitisa


Figure 3: Lake St. Martin Sípiy ta Isipéyákí Misti Kipahikan Ékiponikáték

Ká máci Ápacitániwaki: Anima ké isi Paspápoték Sípiy ta Ispéyák ká páskiténikáték

Ispík Lake Manitoba ispicípéki 812.5 misita, wéká ispík wí pisci niskipépaniki, ékwáni anima Lake Manitoba ké isi Paspápoték Sípiy ta Ispéyák ká itakik kita ápacitaw (kita páskiténikáték).

Anima Lake St. Martin ké isi Paspápoték Sípiy ta Ispéyák kita ápatan (kita páskitékoték) ékospík:

- Lake St. Martin ké ispicípéyák nété anima sawánok wíkékamak awasimé 800 misita wéká ispík
- Anima Lake Manitoba ké isi Paspápoték Sípiy ta Ispéyák ká itakik ispík kí páskitékotatwáki ta máci ápatan anima sawánok wíkékamak Lake St. Martin ispicípéki 797 misita, éko ispík anima sawánok wíkékamak iténitákoki ta páscipépanik 800 misita ispík éká ápataki anima Lake St. Martin ké isi Paspápoték Sípiy ta Ispéyák ká itakik



Lake Manitoba nótw ká yá iskopéyák 812.5 misitisa


Lake Manitoba isko Lake St. Martin

Figure 4: Lake Manitoba Sípiy ta Ispéyáki Misti Kipahikan papéyatak é ati páskiténikáték inikok ká iskosíciakáték

Óma káwí ati papéyatak páskiténikáték anihí kipahikana ispík ati yá ocicípéki óma inikok káki iténitakik ékwani nistom anima ká ati máci matáyisiciwák ité isi móna náspic ta páscipépaniw nántaw ité éká ta niskipépanik. Ta pakitinamwak ta ápatak anima sípiy ta ispéyák iniko kéko ispáképanik nipíy inikok táti pisci niskipépanik ita.

- Anima Lake St. Martin ké isi Paspápoték Sípiy ta Ispéyák ká itakik kitakí péyáko ápatan éko éká anima Lake Manitoba ké isi Paspápoték Sípiy ta Ispéyák ékospík kita ápatak kisáspin ayíw piko ispík iténitakwáki kita pisci niskipépanik ité

Ésinísiki anihí misti kipahikana kita ati papéyatak páskitékotáwak (Figures 4 éko 5) éká wésám ta misi sipwéyápoték atámpék asiskíy ité. Ké ati kiskénicikátéki kékwána óméniw oci ékwani táti ápatanwa óma óté níkanik ké ati isi paminikátéki óhi anihí ékotowa oci kíswénitamón. Papéyatak ká ati páskitékocikáték anima Lake St. Martin ké isi Paspápoték Sípiy ta Ispéyák kipahikana ékota mína kita wícicikémakan papéyakwan ta yá ispicípépaniki anihí ésinísiki wíkékamákwa ante Lake St. Martin.



Lake St. Martin (sáwanok wíkékamák) nótw ká iskopéyák 800 misitisa


Lake St. Martin isko Lake Winnipeg

Figure 5: Lake St. Martin Sípiy ta Ispéyáki Misti Kipahikan papéyatak é ati páskiténikáték inikok ká iskosíciakáték

Kisáspin móna ta iskopépaniw anima ká iténitakik ta paminakik anté Lake Manitoba éko Lake St. Martin óma wípac, anikik Manitoba Infrastructure ká iticik apók étoké ta iténitamwak kiyám éká ta ápataki anihí kipahikan pitamá wina éká nawac nántaw kita isi kisci wícicikémakaki ékwéniw oci.


Pimipaminikéwina: ké isi Paspápoték Sípiy ta Ispéyák Paminikéwin mékwác ká kici Niskipépanik

Ésinísiki anihí kipahikana sípiy ta ispéyák kita misiwé páskitékotéki inikok kita póni niskipépanik ité (Figures 6 éko 7).



Lake Manitoba isko Lake St. Martin

Figure 6: Lake Manitoba ké isi Paspápoték Sípiy ta Ispéyák Misti Kipahikan papéyatak ká mámawi páskiténikak ispík ká kici niskipépanik ité



Lake Manitoba isko Lake Winnipeg

Figure 7: Lake St. Martin ké isi Paspápoték Sípiy ta Ispéyák Misti Kipahikan papéyatak ká mámawi páskiténikak ispík ká kici niskipépanik ité

Nótaw nipíy ité ta sápwápotéw éká wésá kici niskipépanik ite. Tápiskóc anihi kákípe yá iskopépanik óté óhi kákípe askíwaki 1986. 1997 eko 2010. Ispík óma ká na niskipépanik ité wésám piko ta yá isipíyáw anima Lake Manitoba 812.8 isko 813.0 misita éko inikok ta sápwápoték anté sípiy ta isipéyák 6,600 isko 6,800 cfs ká itakitasocik. Éko ta yá isipíyáw anima sáwanok wíkékamák anté Lake St. Martin awasimé 800.7 éko 800.9 misita éko ta paspápoték anté oci 10,500 isko 11,400 cfs.

Awasimé kita sápwápotéw nipíy ispík kí kici niskipépaniki. Tápiskóc anima kákípe ispanik, kákí kici niskipépanik óhi kákípe askíwak 2011 éko 2014. Ispík óma ká kici niskipépanik ité wésám piko ta yá isipíyáw anima Manitoba 814.0 misita éko inikok ta sápwápoték anté sípiy ta isipéyák 8,800 cfs ká itakitasocik. Éko ta yá isipíyáw anima sáwanok wíkékamák anté Lake St. Martin awasimé 804.0 misita éko ta paspápoték anté oci 17,000 cfs.

Ispík ké póni ápataki: Ké isi Paspápoték Sípiy ta Isipéyák nótaw ta oci sápwápotániwan nipíy

Pákacy nahinikok kí yá isipípékwáki anihi sákahikana, inikok ké pakitinikáték ité nipíy ta isi sápwápoték ta nikinikátéw wina inikok táti pákwák sákahikan éko ékwáni pitamá ta póni ápatanwa óhi ité kipahikana.

Anté anima Lake Manitoba Ké isi Paspápoték Sípiy ta Isipéyák Atoskéwin ká itakik, nótaw ité ta oci paspápotáwak nipíy ispík anima Lake Manitoba kí ápitawiskopépaniki (811.5 misita) (Figure 8). Kákí oci iténitamonániwak anima ká mámawi pimápoték nipíy anté oci Lake Manitoba Ké isi Paspápoték Sípiy ta Isipéyák ká itakik éko Fairford Sípiya Misti Kipahikan pá péyakwan ké kaskitácik ta yá isipípétácik ispík ká niskipépanik anima Lake Manitoba. Ékosi óma ké isi paminikáték pa péyatak táti kipayakik anima Lake Manitoba Ké isi Paspápoték Sípiy ta Isipéyák ká itakik inikok éká pitamá ta natawénitákoc ta ápatak wina nahinikok é yá isipípéyáki anihi sákahikana éko nahinikok, mwésci sápwápotéw ité nipíy. Wésá papási paspápotániwaki ité nipíy inikok éká ta




Figure 8: Lake Manitoba Ké isi Paspápoték Sípiy ta Isipéyák kici kipahikan papéyatak ká ati kipunikáték inikok táti póni ápatak

ápataki anihi nanátok kipahikana ékwáni pá pakán ta yá isipítimípaninwa anihi sákahikana ité inikok éká ké natawénitákociki kita oci mino pimáchonániwaki.

Anta inikok ké oci paspápoték nipíy anima Lake St. Martin Ké isi Paspápoték Sípiy ta Isipéyák ká itakik kita nicipániw nawac ispík kí nótawapéki anima sákahikan 800.0 misita (Figure 9) éko anima sákahikan nawac táti iskopétátimikátéw ta pimápoték 798.0 misita inikok anté oci anima sípiy ta isipéyák éko ékwéniw oci ká iténitakik tánitkok óma ké paspápoték éko kákinaw ta yá isipípéki kakinaw anihi Lake St. Martin isko Lake Manitoba Ké isi Paspápoték Sípiy ta Isipéyák ká itakik éko anté Dauphin Sípiy isko Lake St. Martin. Óma ká isi paminikáték papéyatak ká ati kipunikáték anima Lake St. Martin Ké isi Paspápoték Sípiy ta Isipéyák ká itakik ékwánima wícicikémakan óma pá péyakwan táti yá isipípéki anihi ité sákahikana.




Figure 9: Lake St. Martin Ké isi Paspápoték Sípiy ta Isipéyák kici kipahikan papéyatak ká ati kipunikáték inikok táti póni ápatak

Ká Póni Ápatak: Kici Kipahikan ká Kipunikáték

Pákacy nahinikok éko pá péyakwan kí yá isipípékwáki anihi sákihikéw éko mwác anihi kipahikana ta nataw wénitákonwa óma ta nákcitácik tánitkok ta yá isipípéki anihi, ésinis anihi Lake Manitoba éko Lake St. Martin kici kipahikan ta kipunikátéw éko móna mína kita ápatanwa pátimá mína kí kici niskipépaniki, máka wina ocitaw takon ité ta isi paspápoték nipíy inikok ta itátimik ité anihi kinoséwak ká isi natawátakácik ta natawi tasécik ta isi pimátakácik.

Anima Lake Manitoba ké isi Paspápoték Sípiy ta Isipéyák kici kipahikan kita kipunikátéw (Figure 10) ispík kí iskastépaniki anima Lake Manitoba nómakés

ká ápatak inikok (811.5 misita) ta iskopék, éko anima nipíy ká oci mátáwisápoc anima Fairford Sípiya Kici Kipahikan péyakwa inikok wéka awasimé aspisís nawac inikok kéki takwápoték anté anima Lake Manitoba.

Anima Lake St. Martin ké isi Paspápoték Sípiy ta Isipéyák kici kipahikan kita kipunikátéw (Figure 11) ispík kí iskastépaniki anima Lake St. Martin nómakés kí ápataki inikok (798 misita) ta iskopék, éko anima nipíy ká oci mátáwisápoc anima Dauphin Sípiya péyakwan wéka awasimé apsisís nawac inikok kéki takwápoték anté anima Lake St. Martin.




Figure 10: Lake Manitoba Sípiy ta Ispéyáki Misti Kipahikan Ékiponikáték




Figure 11: Lake St. Martin Sípiy ta Ispéyáki Misti Kipahikan Ékiponikáték

Ókik ká pá pakitinikáték nipíy oci nanátok anihí kipahikana ékwéniw óma é isicikátakik óma inikok anima nipíy ita ká isi pitokéyápoték pitamá wésá ékwaniwok nántaw ité ta isi sipwé paspápoték éko anihí ité sípiya ká takoki ta ápataki ékwéniw oci inikok pá péyakwán ta yá isipicéyák misiwé ité. Wésá papási paspápotániwaki ité nipíy inikok éká ta ápataki anihí nanátok kipahikana ékwáni pá pakán ta yá isipátimípaninwa anihí sákahikana ité inikok éká ké natawénítákoki kita oci mino pimáchiwónaniwaki.

Kici kipahikan Sípiy ta Ispéyák Paminikéwin Mékwác ká Pipok éko ká Maskwamiwák

Anima nistom káwí páskiténikáték kipahikan móna mána ékosi wí itótamwak óma ká ati pipok wina ékostakik ta mikoskáciyácik ta píkwápononim ité anihí maskwamiwák anté ká takonit anihí sípiy ta isipéyák éko anihí sákahikana. Kisáspin iténitamwak óma éwí kici niskipépanik ité ati síkwaki, ékwani kí iténitamwak ta ápacitácik anihí ité kipahikana kiyám wina é pipok ita.

Anihí kipahikana sípiy ta isipéyák ta isítianiwana óma ta mino ápatak kápé pipon. Kisáspin natawénitakon kita ápatak anima Lake Manitoba Kici Kipahikan pitamá ta kiponikáték isipik ká mátákwatik ité inikok pátima ta maskawisit ana maskwamiwák éko éká nántaw ta isi píkwáhokot éko ta pisci nisi wanáciciképanik nántaw isi ité. Isipik kawisk mitoni ká misiwé ákwatik anima sípiy ta isipéyák, anima Lake Manitoba kici Kipahikan kita tápitawí páskitékotéw kapé pipon éko ékwani ta itakotéw inikok nátawénítákoki ta kiponikáték wéka isipik ati píkwáponociy ana maskwamiwák ité óma ati síkwaki. Ayíw óma ká oci isicikániwák kisáspin pisci sipwé píkwáponociy ana makswamiwák éká ta píkwáskoyak anihí kici kipahikana kisáspin ékospik kiponikátékwáki ékwani.

Óma ká pipok, isipik ká natawénítákoki kita ápatak anima Lake St. Martin kici Kipahikana anima kipahikan kita ápatan (kita páskitékotéki) ayápisís, éká wésa ta papási sipwéyápoték anima nipíy inikok kawisk táti maskawákwatik anima sípiy ta isipéyák éko éká ta itáhokot ana ká nóskosit wakitaskwamiwák ité isi.

Ká isi Paspápoték Sípiy ta Ispéyák anté Kipahikanik óma isipik ká Pákwaskamiskák ité

Isipik éká ká áptaki, anima ká isi paspápoték sípiy ta isipéyák ta tápitawí kiponikáték inikok ta kaskitácik ité ta isi natawátakácik kinoséwak óma ká itátakácik kinoséwak óma ká itátakácik ta natawí tasécik. Anima Lake St. Martin kici Kipahikan natawénitakon ité ta tápitawí iskopék ta pimápoték nipíy 50 cubic feet per second (cfs) ká itakítasonániwák wina nahinikok ta isipítimik itá ká ayácik anihí kinoséwak. Ékwani óma ká pakitinikáték ta paspápoték ita nipíy ékwani ékosi anima kawisk pakitatámowin ita isi pékápápotépaniw átampék. Isipik mána mitoni ká pákwaskamiskákí misiwé ité ta kiponikátéwa anihí kipahikana inikok ta tépi paspápotak nipíy anté isi Dauphin Sípiya apók inikok ta niskipépanik éyako. Wina anima Lake St. Martin kici Kipahikan ité ká isi násiciwák nipíy móna máka itwéniméwak anihí kinoséwa ta ayánit ité, éko móna náspic ta miscétinít anihí kinoséwa wáwís wina anihí ká má misikíticik itowa ita anima ká timákáminánik. Mákawina kita máwasakonáwak ta otiníck anta oci anihí ké miskácik nanátok kinoséwak émwés kipayakik anima ita ká isi paspápoték nipíy.

Misiwé Kiskénitamowin éko Ininiwí Itáwina

Kiskénitamona óméniw oci ká paminikáték anima Sípiy ta Ispéyák Atoskéwin kita má mínwák ékwéniw ta ayamitácik, éko mína anihí Grahamdale Itáwina Otipénicikéwin, awina nántaw ké isi pakamiskákot óma, éko mína kakinaw awiyak ké nóté wápatak ékwéniw:

- Pakwacáyk Itátiwín ké pisci itáspinatániwák omámawapiwák- émwés máci ositániwák anima ké isi Paspápoték Sípiy ta Ispéyák Atoskéwin ká itakik, ékwani ókik ta wanáskonáwak kita natawí wítapimácik anikí Ininiwák otítáwiniwák éko anikik Rural Municipality oci Grahamdale ta paminakik tánísi ta isi ayamitotakak óhi kiskénitamona ékwéniw oci. Ékwani óhi itowa ta tasícikátéwa óma ké pimipamítániwák óma káwí ositániwák acinokéwina.
- Ininiwí Itáwina Otayamihistamákéwak- isipik óma kici niskipépanik ité, ta wanáskonáwak otayamihistamákéwak ta natawí wítapimácik anikí Ininiwák Otítáwiniwák ta wítamawacik tánísi takí isicikániwák ékosik kiskénitamona, éko mína tánísi ta isi paminikátéki anima ké isi Paspápoték Sípiy ta Ispéyák Atoskéwin ká itakik.
- Ká Nókopaniki Ácinókéwin éko Cikástécicikana- isipik kí kisi ositániwaki óma, kicitotamona anima oci ké isi pimipamítániwák ké isi Paspápoték Sípiy ta Ispéyák Atoskéwin ká itakik, táti masinahikátéwa anta Hydrologic Forecast Centre ká nókopaniki masinahikéwina.
- Ká Nókopaniki Masinayámowina Ácinókéwina- isipik kí kisi ositániwaki óma, ká nókopaniki masinayámowina ta mácitániwan ta yá isitisayamácik kiskénitamona anikik Ininiwí Itáwina ká ayácik, piko ana nántaw ké isi pakamiskákot óma, éko kakinaw awiyak káwí nóté wápatak anihí masinahikana anima ké isi Paspápoték Sípiy ta Ispéyák Atoskéwin ká itakik.
- Ácimowina ká Pakitinikátéki- isipik ká kici niskipépanik, ácimowin wina ta pakitinikátéwa tánísi ké isi paminikátéki anihí kipahikana éká wésá mistahi ta nisiwanátapáwéki ápacitáwina Manitoba.

Ké isi Pimipaminikáték Kiskinahótawí Masinahikana

Nistom ká masinahikáték anima oci ké isi pimipaminikátéki kiskinahótawí masinahikan anihí oci Lake Manitoba éko Lake St. Martin kici Kipahikana ta nókopaniw anta Atoskéwin ká nókopani [website](#).

Oskácimowina táti masinahikátéw éko ékota ta isitisayamawak anima oci pimipamítawí kiskinahótawí isipik niskipépaniki, éko tánísi ké isi paminicik ité ká wíkcik Ininiwák kisáspin ékosi ká kítwám ispaniki ité

Kinatawéniminitán tapé wítamawiyák óma tánísi ké isi pakamiskikémakak

Kinatawéniminitán tapé wítamawiyák óma tánísi ké isi pakamiskikémakak óma itowa atoskéwina pé itotéyani ité óma oci ká mámawapinániwák wéka ta kakitotacik anikik ité ká ayáyan atoskéwinik Itáwin Onikánikinawénicikéw, iskonikanik atoskéwikamik, kici okimáwin atoskéwikamiwák wéka kakinaw owítatoskénákanik wéka óté kikakí itápin ékwéniw oci outletchannels@gov.mb.ca Tánísi ásay étóckániwák anima Outlet Channels Project [website](#) ká nókopaniki masinahikéwí cikástécicikana.